


Siguiendo consejo Huridico

Gobierno lo cumpli cu sentencia di Huez riba caso di Cafe Internet



ORANJESTAD (AAN) -- Gobierno lo cumpli cu sentencia cu Huez a dicta riba e Caso di Cafe Internet, segun Prome Minister señor Nelson Oduber a declara, den conferencia semanal di prensa. Huez a duna sentencia pa gobierno duna nan un propio "satelite ground station" bao di e condicionnan necesario, unda cu e compania mester paga gobierno pa e concesion. E dignatario a splica cu el a haya consejo huridico y el a bay di acuerdo esaki. No obstante, e mandatario a haci e observacion cu door di esaki, porta a habri cu ningun hende por mishi cu esun cu pone den su cura di cas of unda cu nan kier un aparato asina. Prome Minister a señala cu intencion di gobierno tabata pa apela e caso, pero e con-

seho huridico a muestra otro, y el a subraya cu "Aruba ta worde goberna pa ocho minister y un huez". Señor Oduber a subraya: "No ta problema pa nos cumpli solamente mi ta bisa, problemanan lo bin despues y mi ta ansioso pa señor Balkenende bin Aruba. Mi a compronde for di señor Tom de graaf cu e lo bin Aruba pa nos discuti con nos lo haci e cosnan aki hunto den Reino Hulandes, pa actua berdaderamente na un forma uni pa combati criminalidad internacional, locual ta un re-

sponsabilidad conhunto cu nos tur tin den Reino Hulandes". El a conclui bisando cu pa falta di legislacion hopi cos por tuma lugar y na dado momento nos pais por haya su mes den basta problema, y legislacion ta un proceso largo cu ta tuma hopi tempo. "Nos ta mira con mas pronto posible nos lo por haya e legislacion necesario pa por actua contra cosnan cu nos ta kere cu e gobierno aki tin un responsabilidad pa cu nan", ta palabranan di e mandatario.

Bleki di boonchi a desaparece

ORANJESTAD (AAN): Mainta trempa ora cu personal di BGD a yega na e despacho, nan a tuma nota cu porta a worde kibra. Te asina leu cu por a averigua cu desconoci a pasa

man pa un aparato pa paga candela pa destrui e porta. Investigacion interno a deduci cu den e caso aki, a somenta un bleki di Beans mas 52 Florin. Recherche tin e caso.

Varios televidente den shock!

Pueblo a mira e supuesto "cushina di Chines" pa prome biaha

ORANJESTAD (AAN): "Nan ta biba mescos cu pover, y nan ta mantene nan cushina mescos cu hende pover tambe," tabata un di e reaccion ricibi Diahuebs anochi na DIARIO, despues cu e programa "Exclusivo" di Jacqueline Suttle a pasa na TV. Cameranan di e show a bay den cushina di diferente restaurant na Aruba, y loke a worde capta... a cay manera un shock cerca hopi.

Varios yamada a drenta. "Ami nunca mas ta come na restaurant Chines!" tabata comentario di un dama. El a bisa cu e ta stop mesora di come su favorito Beef Chop Suey.


Un cabayero Arubiano, kende ta doño di un Snackbar chikito, a puntra: "Di con Volksgezondheidsdienst mes no ta pasa controla esaki? Di con e homber chikito si ta worde controla cada biaha?"

Cushinanan ta parce cu desde cu nan a worde construi, no a ricibi nada di mantencion, ni un clean-up. E exterior di freezernan tabata full na vet, comosifuera cu awa y habon no ta existi.

Un ciudadano a suplica na DIARIO, pa Gobierno kita e funcion di Control for di Salubridad publico, y laga e.o. Polis cuminsa controla higiena di restaurantnan Chines. "Pasobra si e cameranan di TV mes a logra capta esaki, di con e wowo di e Controladornan no por? Of acaso ta placa tin bao mesa?"

Pero hopi yamada si a pidi pa ripiti e programa, specialmente pa esnan cu no por a mire Diahuebs anochi. Aunke nan a haya un tiki 'asco' di mira e show na TV, tog nan por bisa cu e tabata un di e mihor nan produci e aña aki na Aruba.

TIME IS OVER!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455



Dolphin Candle

Oil Burner

Afl. 12,95